

三台縣志卷二十四

禮俗志一

祀典

至聖先師廟

追封考

周時魯哀公誅孔子曰尼父爲立廟舊宅置守卒焉漢高帝十二年適魯以太牢祀孔子詔諸侯王卿相至郡國先謁廟後從政元帝詔太師褒成君霸以所食邑八百戶祀孔子賜霸秩關內侯平帝元始元年諡孔子褒成宣尼公後漢明帝永平二年詔學校皆祀周公孔子十五年幸闕里宅祀仲尼及七十二弟子章帝元和二年祀孔子於闕里作六代之樂和帝封褒尊侯桓帝時置孔廟百戶卒史掌禮器春秋享禮靈

帝元光元年置鴻都門學畫先聖及七十二弟子像魏正始七年令太常釋奠以太牢祀於辟雍晉武帝康泰七年皇太子親釋奠於太學元明成穆皆釋奠宋高祖永初中詔魯郡修葺墳廟文帝元嘉二十二年太子釋奠舞八佾設軒懸之樂器用悉依王公梁元帝承聖初於荊州建宣聖廟自圖聖像爲之贊書之北魏孝文帝太和十六年親修謁拜禮改諡文聖尼父封後人爲崇聖侯拜孔氏四人顏氏二人復給邑百戶與周公並饗文成帝詔立宣尼之廟別敕有司薦享北齊天保間制春秋二仲釋奠於先聖先師以時修葺祠廟每月朔祭酒領博士弟子以下及國子諸生太學四門博士升堂助教以下太學諸生皆下拜後周宣帝封孔子爲鄒國公隋文開皇初贈孔子爲先師尼父周公爲先聖命國子學每歲春秋仲月上丁釋奠唐高祖武德二年詔國學分立

周公孔子廟太宗貞觀二年別祠周公尊孔子爲先聖顏子爲先師配焉又詔州縣立廟四時致祭二十年詔皇太子釋奠於先聖先師高宗朝顯慶二年仍尊孔子爲先聖顏回爲先師乾封元年贈孔子太師武后封道隆公元宗開元七年詔春秋釋奠用牲牢屬縣用酒醑十三年封禪幸孔宅親奠以太牢祀墓置卒守衛復孔氏賦役令天下州縣立廟賜百戶充春秋享奠廿七年追諡孔子文宣王服袞冕樂用宮縣舞用八佾定祭期春秋二仲上丁贈十哲公侯爵曾子以下六十七子爵皆伯德宗貞元二年釋奠詔自宰臣以下畢集祝版自署名畢各北面肅拜後周高祖廣順二年奠闕里廟謁墓宋太祖建隆三年詔文廟門立六十六戟親撰文宣王堯國公二贊太平興國中特免孔氏子孫庸調詔孔宣襲封文宣公眞宗咸平三年追諡至聖文宣王大中祥符二

三台縣志

卷二十四

二

三台新民印刷公司代印

年詔太常禮院定州縣釋奠禮器數釋奠儀注及祭器圖令崇文館雕印頒行天下諸路仁宗景祐元年詔釋奠用登歌至和二年詔封孔子後爲衍聖公神宗熙寧八年制文宣王冕十二旒徽宗崇寧元年詔封孔鯉爲泗水侯孔伋爲沂水侯大觀二年詔躋子思從祀四年詔文宣王執鎮圭殿名大成並如王者之制廟門增戟二十四高宗以孔玠襲封賜田以祭幸太學駕止大成門外御製文宣王贊刻石太學遼自神册間建廟釋奠金章宗明昌二年孔子廟門置下馬牌元世祖至元十年詔春秋二丁釋奠執事官員各公服如其品陪位諸儒襴帶唐巾行禮武宗追封孔子爲大成至聖文宣王祀以太牢明太祖洪武二年詔天下郡縣皆立孔廟附祀鄉賢名宦四年定祭器籩豆簠簋登鉶悉用磁牲用熟樂用六奏大臣子弟入太學者習舞頒釋奠儀敕每月朔望

太學行釋菜禮郡縣學長吏以下詣學二十六年頒大成樂器於郡州縣學成祖永樂四年視學行一奠四拜禮八年正文廟繪像聖賢衣冠令合古制十二年釋奠增十一籩豆憲宗成化二年增樂舞爲八佾世宗嘉靖九年釐正祀典改稱至聖先師四配十哲以下皆稱先賢左邱明以下皆稱先儒去塑像設木主罷封爵改大成殿爲先師廟戟門爲文廟門祭用籩豆十舞佾六六郡邑學籩豆殺其二舞止六清世祖順治二年定諡大成至聖文宣先師孔子十四年改諡至聖先師孔子通行直省各學聖祖康熙三十五年御製孔子贊顏曾思孟贊發直省立碑世宗雍正三年詔郡縣春秋仲月祭增用太牢高宗乾隆三年改至聖先師孔子神位居中正南面德宗光緒三十四年升孔子爲大祀與祀天等民國初依清舊制縣知事歲以夏時春秋二仲上丁主孔子祀

三台縣志

卷二十四

三

三台新民印刷公司代印

分獻以屬官或校長在城文武委任官以上咸與祭行禮惟樂章迎神易前清昭平爲昭和初獻易宣平爲雝和亞獻易秩平爲熙和終獻改敘平爲淵和徹饌改懿平爲昌和送神改德平爲德和至民十七年國府大學院議廢孔祀太牢續又後先奉國府行政院教育部令定國曆八月廿七日爲孔子誕生紀念勿庸規定行禮儀式惟全國學校均應休假一日並於是日講演孔子事蹟

附孔子誕辰記

國家春秋釋奠有常制誕辰賀禮未之聞焉郡守毛侯立卿下車治政首興文學按史記世家孔子於魯襄公二十二年庚戌歲十一月庚子日申時生卽周靈王二十一年東家雜記云以萬年曆考之是歲十月十九日交大雪二十一日卽生辰也乃出俸金繪

夫子燕居像製帳幔金額陳設器皿每逢誕日潔具牲醴於立教堂講行祀事致報本之意具疏以書僚寮之與會者庸啟千載相承之緒時孫公德卿恐久而無考馳稟於監府文玉同知王景林命玉麟紀之勒諸堅珉以示不朽猗歟偉哉凡我同盟自今以往樂與斯文相爲無窮尙修明之俾勿替潼川府儒學教授王玉麟撰記

歷代四配十二哲兩廡諸賢追封考

後漢光武破董憲還使大司空以太牢並祀七十子於孔廟明帝永平十五年東巡祀仲尼七十二弟子靈帝光和元年置洪都門學畫先聖及七十二弟子像魏正始七年祀孔子於辟雍以顏淵配北魏孝文太和間拜顏氏二人官唐太宗貞觀二十一年詔以左邱明卜子夏公羊高穀梁赤伏勝高堂生戴聖毛萇孔安國劉向鄭衆杜子春馬融盧植

三台縣志

卷二十四

四

三台新民印刷公司代印

鄭元服虔何休王肅王弼杜預范寧賈逵二十二人配享尼父廟堂高宗永徽中贈孔子太師顏子少師曾子少師元宗開元八年圖畫七十二弟子及二十二賢於廟壁令當朝文士分爲之贊二十七年詔追贈顏子兗國公閔子騫費侯冉伯牛鄆侯冉仲弓薄侯宰子我齊侯端木子貢黎侯冉子有徐侯仲子路衛侯言子游吳侯卜子夏魏侯曾參邾伯顓孫師陳伯澹臺滅明江伯宓子賤單伯原憲原伯公冶長莒伯南宮子容邾伯公皙哀邾伯曾點宿伯顏路杞伯商瞿蒙伯高柴共伯漆雕開滕伯公伯寮任伯司馬牛向伯樊遲凡伯有若卜伯公西赤郈伯巫馬期鄆伯梁鱣梁伯顏柳蕭伯冉儒紀伯曹卹曹伯伯慶聊伯公孫龍黃伯冉季東平伯秦子南少梁伯漆雕子斂武城伯顏子驕瑯琊伯漆雕徒父須句伯壤駟赤北徵伯商澤睢陽伯石作蜀石邑伯任不齊任

城伯公夏守亢父伯公良儒東牟伯后處營邱伯秦子開彭衙伯奚容
濊下邳伯公肩定新田伯親襄臨沂伯鄒單銅錕伯句井疆淇陽伯罕
父黑乘邱伯秦商上洛伯申黨邵陵伯公祖句茲期思伯榮期雩婁伯
縣成鉅野伯左人郢臨淄伯燕伋漁陽伯鄭子徒滎陽伯顏之僕東武
伯原元萊廡伯樂欬昌平伯廉潔莒父伯顏何開陽伯叔仲會瑕邱伯
狄黑臨濟伯邾巽平陸伯孔忠汶陽伯公西輿如重邱伯公西蒧祝阿
伯蘧瑗衛伯施常乘氏伯林放清河伯秦非汧陽伯陳亢穎伯申棖魯
伯琴牢南陵伯命所司奠祭如釋奠之禮後唐長興三年敕文宣王廟
四壁諸賢各陳醑醢諸物以祭宋初畫廿二賢及先儒廿一人像於東
西廊之板壁命當時文臣爲之贊釋奠之禮如舊眞宗咸平三年詔追
封堯公顏回堯國公費侯閔損瑯琊公鄆侯冉耕東平公薄侯冉雍下

三台縣志

卷二十四

五

三台新民印刷公司代印

邳公齊侯宰子臨淄公黎侯端木賜黎陽公徐侯冉求彭城公衛侯仲
由河內公吳侯言偃丹陽公魏侯卜商河東公邴伯曾參瑕邱侯陳伯
顓孫師宛邱侯江伯澹臺滅明金鄉侯單伯宓不齊單父侯原伯原憲
任城侯莒伯公冶長高密侯邾伯南宮縉龔邱侯邾伯哲哀北海侯宿
伯曾點萊廡侯杞伯顏無繇曲阜侯蒙伯商瞿須昌侯共伯高柴共城
侯滕伯漆雕開平輿侯任伯公伯寮壽張侯向伯司馬牛楚邱侯凡伯
樊遲益都侯郟伯公西赤鉅野侯下伯有若平陰侯鄆伯巫馬期東阿
侯穎伯陳亢南頓侯梁伯梁鱣千乘侯蕭伯顏辛陽穀侯紀伯冉孺臨
沂侯東平伯冉季諸城侯聊伯伯虔沐陽侯黃伯公孫龍枝江侯彭衙
伯秦冉新息侯梁伯秦商鄆城侯武城伯漆雕哆濮陽侯瑯琊伯顏驕
雷澤侯須句伯漆雕徒父高宛侯北徵伯壤泗赤上邽侯清河伯林放

長山侯睢陽伯商澤鄒平侯石邑伯石作蜀成紀侯任城伯任不齊當陽侯魯伯申棖文登侯東牟伯公良孺牟平侯曹伯曹卹上蔡侯下邳伯奚容蒧濟陽侯洪陽伯句井疆滏陽侯邵陵伯申黨淄川侯期思伯公祖句茲卽墨侯雩婁伯榮期厭次侯鉅野伯縣成城武侯臨淄伯左人鄆南華侯漁陽伯燕伋汧源侯滎陽伯鄭國胸山侯汧陽伯秦非華亭侯乘氏伯施之常臨濮侯朱虛伯顏噲濟陰侯淳于伯步叔乘博昌侯東武伯顏之僕冕句侯衛伯蘧瑗內黃侯瑕邱伯叔仲會博平侯開陽伯顏河堂邑侯臨濟伯狄黑林盧侯平陸伯邾巽高堂侯汶陽伯孔忠鄆城侯重邱伯公西輿如臨朐侯祝阿伯公西藏徐城侯南陵伯琴張頓邱侯又詔封配饗先魯史左邱明瑕伯齊人公羊高臨淄伯魯人穀梁赤龔邱伯秦博士伏勝乘氏伯漢博士高堂生萊廡伯九江太守

戴聖楚邱伯河間博士毛萇樂壽伯臨淮太守孔安國曲阜伯中壘校尉劉向彭城伯後漢大司農鄭衆中牟伯河南杜子春緱氏伯南郡太守馬融扶風伯北中郎將盧植良鄉伯大司農鄭康成高密伯九江太守服虔滎陽伯侍中賈逵歧陽伯諫議大夫何休任城伯魏衛將軍太常蘭陵亭侯王肅贈司空尙書郎王弼封偃師伯晉鎮南大將軍開府儀同三司當陽侯杜預贈司徒豫章太守范寧封鉅野伯命三司使兩制待制館閣官作贊神宗熙寧八年令七十二賢廿二先儒皆依本朝郡國縣公侯伯爵品官服元豐六年詔封孟子鄒國公配享七年詔鄒國公同顏子配食宣聖封荀况蘭陵伯楊雄成都伯韓愈昌黎伯並從祀於左邱明等廿二賢之間頒行天下學校塑像春秋釋奠行禮徽宗大觀二年封孔鯉泗水侯伋沂水侯詔躋子思從祀崇寧四年詔公夏

首封鉅平侯后處膠東侯肩定梁父侯顏祖富陽侯鄒單聊城侯罕父
黑祈鄉侯秦商馮翊侯原抗樂平侯樂欬建城侯廉潔胙城侯從祀政
和元年詔孔子弟子所封侯爵與宣聖名同改封瑕邱侯曾參武城侯
宛邱侯顓孫師穎川侯龔邱侯南宮縉汶陽侯楚邱侯司馬耕雒陽侯
頓邱侯琴張陽平侯瑕邱伯左邱明中都伯龔邱伯穀梁赤雒陵伯楚
邱伯戴聖考城伯五年詔兗州鄒學孟子以樂正子配享公孫丑以下
從祀封樂正子克利國侯公孫丑壽光伯萬章博興伯浩不害東阿伯
孟仲子新泰伯陳臻蓬萊伯充虞昌樂伯屋廬連奉符伯徐辟仙源伯
陳代沂水伯彭更雷澤伯公都子平陰伯咸丘蒙須成伯高子泗水伯
桃應膠水伯益成括萊陽伯季孫豐城伯子叔永陽伯理宗淳祐元年
以周敦頤張載程顥程頤朱熹從祀景定二年張栻呂祖謙從祀度宗

三台縣志

卷二十四

七

三台新民印刷公司代印

咸淳三年以顏淵曾參孔伋孟軻配享進顓孫師於十哲邵雍司馬光
從祀元仁宗皇慶三年以許衡從祀文宗至順元年以董仲舒從祀明
太祖洪武二十九年黜楊雄從祀英宗正統二年以宋胡安國蔡沉真
德秀從祀八年以元吳澄從祀孝宗宏治八年以宋楊時從祀世宗嘉
靖九年詔聖門弟子皆稱先賢左明以下皆稱先儒撤塑像易木主樂
舞仍用六佾樂章中稱王者並易爲師從祀申黨卽申棖去黨存棖公
伯登秦冉顏何荀况戴聖劉向賈逵馬融何休王肅王弼杜預吳澄俱
罷祀蘧瑗林放盧植鄭衆鄭康成服虔范寧俱各祀於其鄉以后蒼王
通胡瑗歐陽修陸九淵從祀穆宗隆慶五年以薛瑄從祀神宗萬曆十
二年以王守仁陳獻章胡居仁從祀四十二年以羅彥李侗從祀清聖
祖康熙三十五年升周敦頤張載程頤程顥朱熹邵雍爲先賢五十三

年以范仲淹從祀世宗雍正二年復以蘧瑗林放秦冉顏何鄭康成范寧從祀增縣亶牧皮樂正克公都子萬章公孫丑諸葛亮尹焞魏了翁黃幹陳淳何基王柏趙復金履祥許謙陳澹羅欽順蔡清陸隴其從祀東廡首蘧瑗西廡首林放叙列先賢先儒共一百四十五人高宗乾隆三年升有子入殿次卜子下移朱子於顓孫子下復以吳澄從祀兩廡六年頒定先賢先儒從祀位次

四配

東配 殿內東旁西向

復聖顏子 名回字子淵魯人

述聖子思子 名伋字子思夫

西配 殿內西旁東向

三台縣志

卷二十四

宗聖曾子 名參字子輿魯武城人

亞聖孟子 名軻字子輿鄒邑人魯公族孟孫氏之後

〔通志〕按四配木主式高一尺五寸闊三寸二分厚七分座高四寸

闊六寸厚二寸八分赤地墨書

十二哲

東哲 殿內次東旁西向

先賢閔子 名損字子騫魯人

先賢冉子 名雍字仲弓魯人伯牛之族

先賢端木子 名賜字子貢衛人初為信陽宰後嘗相魯衛

先賢仲子 名由字子路魯之卞人仕魯為蒲大夫

先賢卜子 名商字子夏衛人仕魯為莒父宰

先賢有子 史記字子若家語字子有魯人乾隆三年升

西哲 殿內次西旁東向

先賢冉子 名耕字伯牛魯人為中牟宰

先賢宰子 名予字子我魯人仕齊為臨淄大夫

先賢冉子 名求字子有仲弓之族為季氏宰

先賢言子 名偃字子游吳人仕魯為武城宰

先賢顓孫子 名師字子張陳人

先賢朱子 名熹字元晦號晦菴婺源人居紫陽山後居武夷山諡文公康熙五十一年升

〔通志〕按十二哲木主式高一尺四寸闊二寸六分厚五分座高二寸六分長四寸厚二寸赤地墨書

東廡

三台縣志

卷二十四

先賢公孫僑 左傳魯襄八年始見昭公八年卒清咸豐七年從祀原西廡移東廡

先賢林放 唐開元二十七年從祀原西廡移東廡於鄉清雍正二年復祀原西廡移東廡

先賢原憲 唐開元二十七年從祀以下同

先賢南宮适

先賢商瞿

先賢漆雕開

先賢司馬耕

先賢梁鱣

先賢冉孺

先賢伯虔

先賢冉季

先賢漆雕徒父

先賢漆雕哆

先賢公西赤

先賢任不齊

先賢公良孺

先賢公肩定

先賢鄒單

先賢罕父黑

先賢榮旂

先賢左人郢

先賢鄭國

三台縣志

卷二十四

十

三台新民印刷公司代印

先賢原亢

先賢廉潔

先賢叔仲會

先賢公西輿如

先賢邾巽

先賢陳亢

先賢琴張

先賢步叔乘

先賢秦非

先賢顏噲

先賢顏何

明嘉靖九年
雍正二年
復祀
清

先賢縣亶 清雍正二年從祀以下同

先賢牧皮 原西廡移東廡

先賢樂正克

先賢萬章

先賢周敦頤 宋天禧元年生熙寧六年卒

先賢程顥 宋明道元年生元豐八年卒

先賢邵雍 宋大中祥符四年生熙寧十年卒

西廡

先賢蘧瑗 左傳魯襄公十四年始見卒年無考史記定公十四年孔子猶主蘧伯玉家其卒後於公孫僑蓋三十餘年唐開元二十七年

先賢澹臺滅明 從祀明年嘉靖九年改祀於鄉清雍正二年復祀原東廡移西廡

三台縣志

卷二十四

先賢宓不齊 唐開元二十七年從祀以下同

先賢公冶長

先賢公皙哀

先賢高柴

先賢樊須

先賢商澤

先賢巫馬施

先賢顏辛

先賢曹卣

先賢公孫龍

先賢秦商

先賢顏高
先賢壤駟赤
先賢石作蜀
先賢公夏首
先賢后處
先賢奚容蒧
先賢顏祖
先賢句井疆
先賢秦祖
先賢縣成
先賢公祖句茲

三台縣志

卷二十四

十二

三台新民印刷公司代印

先賢燕伋
先賢樂欬
先賢狄黑
先賢孔忠
先賢公西蒧
先賢顏之僕
先賢施之常
先賢申枏
先賢左邱明
先賢秦冉
先賢公明儀

明嘉靖九年罷清
雍正二年復祀
清咸豐三年從祀
清東廡移西廡祀

先賢公都子 清雍正二年從祀

先賢公孫丑 同前

先賢張載 宋天禧四年生熙寧十年卒

先賢程頤 宋明道二年生大觀三年卒

以上先賢位宋以前從祀者皆稱封爵明嘉靖九年改稱先賢某子
周張程邵五子嘉靖時稱先儒崇禎十五年改稱先賢位在七十子
之下漢唐諸儒之上清俱稱先賢不稱子

東廡

先儒公羊高 子夏弟子唐貞觀二十一年從祀

先儒伏勝 秦博士從祀

先儒毛亨 生卒年無考受詩於荀卿以授毛萇按史記楚考烈王二十五年荀卿廢居蘭陵距漢興三十二年太平御覽引毛詩正義云

三台縣志

卷二十四

十三

三台新民印刷公司代印

荀卿授漢人魯國毛亨則是

先儒孔安國 漢武帝時為博士侍中唐貞觀二十一年從祀

先儒后蒼 漢宣帝時為博士明嘉靖九年從祀

先儒許慎 清光緒二年從祀後位次在東廡后蒼之後

先儒鄭康成 漢永建二年生建安五年卒

先儒范寧 晉咸康五年生隆安五年卒六年改祀於鄉至清雍正二年復祀

先儒陸贄 唐天寶十三年生永貞元年卒

先儒范仲淹 宋端拱二年生皇祐四年卒

先儒歐陽修 宋景德四年生熙寧五年卒

先儒司馬光 宋天禧三年生元祐元年卒

先儒謝良佐 宋元豐八年生清道光二年卒

先儒羅從彥 宋熙寧五年生 紹興四十二年卒 年

先儒李綱 宋元豐六年生 紹興十年卒 年

先儒張栻 宋景興二年生 紹興七年卒 年

先儒陸九淵 宋紹興九年生 紹興三年卒 年

先儒陳淳 宋紹興二十三年生 嘉定十年卒 年

先儒真德秀 宋清熙五年生 端平二年卒 年

先儒何基 宋清熙五年生 咸淳四年卒 年

先儒文天祥 宋端平三年生 二月二十三日卒 年

先儒趙復 當生元無考 首清雍正二年卒 年

先儒金履祥 宋紹定五年生 從祀 年

先儒陳澹 宋景定二年生 從祀 年

先儒方孝孺 元至正十七年生 同治二年卒 年

三台縣志

卷二十四

三台新民印刷公司代印

先儒薛瑄 明洪武二十五年生 從祀 年

先儒胡居仁 明宣德九年生 成化二年卒 年

先儒羅欽順 明成化八年生 嘉靖二十六年卒 年

先儒呂柟 明成化十五年生 從祀 年

先儒劉宗周 明萬曆六年生 清順治二年卒 年

先儒孫奇逢 明萬曆十二年生 清康熙十四年卒 年

先儒張履祥 清同治十年生 從祀 年

先儒陸隴其 明崇禎三年生 清康熙三十一年卒 年

先儒張伯行 清禮部尚書 光緒四年卒 年

先儒游酢 清禮部尚書 光緒四年卒 年

先儒劉因

先儒呂大臨

先儒黃宗羲

清光緒三十四年御史趙啟霖奏請經禮部會議從祀

西廡

先儒穀梁赤

子夏弟子唐貞觀二十一年從祀

先儒高堂生

秦末漢初人唐貞觀二十一年從祀

先儒董仲舒

漢武帝初年對策為江都相元順元年從祀原東廡移西廡

先儒毛萇

漢河間獻王博士當武帝時唐貞觀二十一年從祀

先儒劉德

漢詩人光緒三年從祀

先儒杜子春

漢永平初年九十唐貞觀二十一年從祀原東廡移西廡

先儒諸葛亮

漢光緒四年生建興十二年卒西廡移西廡

三台縣志

卷二十四

十五

三台新民印刷公司代印

先儒王通

陳至德二年生隋義寧二年卒從祀原東廡移西廡

先儒韓愈

唐大曆三年生長慶三年卒從祀

先儒胡瑗

宋淳化四年生嘉祐四年卒從祀

先儒韓琦

宋大中祥符二年生熙寧八年卒西廡移西廡

先儒楊時

宋皇祐五年生紹興五年卒西廡移西廡

先儒尹焞

宋熙寧四年生紹興十三年卒

先儒胡安國

宋熙寧七年生紹興八年卒

先儒李侗

宋元祐八年生隆興元年卒西廡移西廡

先儒呂祖謙

宋紹興七年生淳熙八年卒西廡移西廡

先儒黃幹

宋紹興二十二年生嘉定十四年卒

先儒蔡沉

宋乾道三年生紹定三年卒西廡移西廡

先儒輔廣 宋時人 光緒五年從祀

先儒魏了翁 宋淳熙五年生 嘉熙元年卒 年六十 清雍正二年從祀 原東廡移西廡

先儒王柏 宋慶元三年生 咸淳十年卒 年七十 八 清雍正二年從祀 原東廡移西廡

先儒陸秀夫 宋端平三年十月八日生 祥興二年即元至元十四日清咸豐九年從祀

先儒許衡 宋嘉定二年生 元至元十八年卒 年八十 皇慶二年從祀

先儒吳澄 宋嘉祐九年生 元統元年卒 年八十五 明正統八年從祀 嘉靖九年罷清乾隆二年復祀 原東廡移西廡

先儒許謙 元至元七年生 後元至三年卒 年六十 八 清雍正二年從祀 原東廡移西廡

先儒曹端 明洪武九年生 宣德九年卒 年五十 九 清咸豐十年從祀 原東廡移西廡

先儒陳獻章 明宣德三年生 宏治十三年卒 年七十 三 萬曆十二年從祀

先儒蔡清 明景泰四年生 正德三年卒 年五十六 清雍正二年從祀

先儒王守仁 明成化八年生 嘉靖七年卒 年五十七 萬曆十二年從祀 原東廡移西廡

三台縣志

卷三十四

先儒呂坤 明嘉靖十五年生 萬曆四十六年卒 年八十三 清道光六年從祀

先儒黃道周 明萬曆十三年生 清順治三年卒 年六十二 清道光五年從祀 原東廡移西廡

先儒湯斌 明天啟七年生 清康熙二十六年卒 年六十一 清道光二年從祀 原東廡移西廡

先儒陸世儀 清光緒元年從祀

先儒袁燮 字和叔 宋時郵縣人 爲金谿高弟 清同治七年從祀

先儒趙歧

先儒王夫之 清光緒三十四御史趙啟霖奏請經禮部會議從祀

先儒顧炎武 同前

按兩廡先賢木主皆與兩哲同先儒木主式高一尺三寸四分闊二寸三分厚四分座高二寸三分闊四寸厚二寸

崇聖祠

追封考

宋眞宗大中祥符元年東封幸叔梁紇堂詔封叔梁紇齊國公顏氏魯國太夫人丁官氏鄆國夫人遣都官員外郎王勵告祭仁宗慶歷八年詔聖父齊國公像易以九章之服立廟聖殿後元文宗至順元年加封聖父爲啟聖王母爲啟聖王夫人明世宗嘉靖九年詔加啟聖公封爵令天下學宮皆建啟聖祠祀叔梁父以先賢顏無繇曾點孔鯉孟孫激配享以先儒程昫朱松蔡元定從祀神宗萬曆二十三年以周輔成從祀啟聖祠清雍正元年諭內閣禮部追封孔子先世五代上意以王爵較尊孔子五世應否封王之處著諸大臣具奏遵旨議定自叔梁公以上至木金父公凡五代並追封爲王爵

三台縣志

卷二十四

十七

三台新民印刷公司代印

木金父爲肇聖王

祈父爲裕聖王

防叔爲詒聖王

伯夏爲昌聖王

叔梁紇爲啟聖啟聖祠更名

崇聖祠春秋祭典均照啟聖王例陳設各直省府州縣衛學一體遵行二
年增張迪從祀

〔通志〕按崇聖祠木主式同四配高一尺五寸闊三寸二分赤地墨書

附先師世系志

世並舉三教咸知尊儒然釋氏琅函珠林憲有三藏道流若漢天師世家譜牒歷然可觀獨先聖一門記載闕如至若祖庭廣記與東家雜記

並孔子世家譜儒生無有考覽其書者宋元豐孔子四十六代孫知洪州軍孔宗翰編闕里譜系元延祐五十一代孫孔元祚編孔子續錄元大德五十三代孫孔津刻孔聖圖譜一卷年譜一卷編年一卷此皆孔氏遺書藏諸奎閣者後人無能舉其名籍矣明朝金華宋文憲公著孔子生卒考一編辨正後先疑問吾

夫子降精夢奠端門受書之時日後之儒者已付之滅音不能委知而况其他乎從祀之典昉於漢文翁石室圖像歷代祀典則宋嘉定六年全州教授黃學行始有著述今祭器儀注配享從祀沿革升降之因既經考訂而

先師世系不加察焉非所以隆報本而昭示來茲也敬就所知詳紀如左

三台縣志

卷二十四

商三十主至

帝乙微子

始封於宋

微仲衍

宋公稽

丁公申

濬公共

弗父何

宋父周

世子勝

正考父

孔嘉父

木金父

祈父

孔防叔

徙居於魯

伯夏

叔梁紇

四配

東配

先賢孔氏

名孟皮清咸豐七年配享

先賢顏氏

名無繇字路家語繇字季路唐開元二十年遷配啟聖祠

先賢孔氏

名鯉字伯魚宋咸淳三年從祀明嘉靖元年遷配啟聖祠

西配

先賢曾氏

名點字皙家語曾點字子皙唐開元二十年遷配啟聖祠

先賢孟氏

名激字公宜魯公族孟孫之後元延祐三年贈郊國公明嘉靖九年配享

木主式與十二哲同高一尺四寸闊二寸六分厚五分座高二寸六分長四寸厚二寸赤地墨書

兩廡

東廡

先儒周氏

名輔成周子敦頤之父明萬曆三十三年從祀

先儒程氏

名珦字伯溫贈永年伯二程子顯頤之父明嘉靖九年從祀

先儒蔡氏

名元定字季通隱居西山世稱西山先生卒諡文節蔡子沈之父明嘉靖九年從祀

西廡

先儒張氏

名迪年無考清雍正二年從祀

每歲春秋丁祭禮儀

一一前祀三日承祭分獻陪祭各官各在本衙設齋戒碑致齊二日散

三台縣志

卷二十四

十九

三台新民印刷公司代印

齊一日如祀

天儀

右齋戒

一前祀一日昧爽執事官

知事以下佐治員及學校教職員或地方員紳

潔獨殿內外藉以椽

薦拂拭

神座張大次於大成門外之左殿上並供張

正位

四配

十二哲兩廡之各器數

右供張

一是日午後執事官大禮服敬書祝版

白紙墨書長一尺二寸廣八寸

潔室安設遂詣

宰牲所省牲既宰宰人以鸞刀割牲遂戒具視滌漑辦籩豆簠簋之實以次展於饌所并供毛血贊禮生引承祭官詣

正殿視祝版上香一拜退立兩廡親視演禮樂畢退

右書祝版既割戒具

將事之夕夜半執事官各率其屬入陳牲帛器數陳設既畢執事官入廟恭詣

大成殿周省棗盛及籩豆祭鉶之實次詣兩廡省畢引詣

崇聖祠正殿及兩廡省既如儀

右陳設省盥

〔辦行禮位〕殿門外階上正中爲承祭官拜位階下甬道左右爲分獻官拜位

三台縣志

卷二十四

二十

三台新民印刷公司代印

正殿分獻官六人在前兩廡分獻官四人在後均北嚮其南爲陪祀官拜位亦北向

〔辦執事位〕殿上司祝一人立祝案之西東向司帛爵各四人捧福胙二人立東案之東西向接福胙二人立西案之西東向階上贊引對引各一人典儀一人立殿左門外西向其南司樂一人東上西向樂工歌工樂舞生八佾於階上樂懸東西序立階下分贊十人東立於分獻官之右西向西立於左東向其南糾儀一人傳贊二人分立陪祀官拜位之次東西向司燎一人率燎立於燎人爐之隅兩廡司帛爵共八人每一統設案分立二人南北向承祭

崇聖祠官拜位在階上正中分獻官四人拜位於階下贊引一人立承祭官拜位左東向分贊四人分立於分獻官左右讀祝位殿中門檻內均

北向司祝典儀司燎各一人正殿司帛爵各十人兩廡司帛爵每一統設案二人立位前與前儀同

右辨位

是日昧爽承祭官與分獻官陪祭各官均集贊引導承祭官進大次具祭服盥畢署名於祝版司祝進奉於祝案嚴初鼓典儀贊執事官就位執事官各就位再嚴燃燭焚香三嚴贊引對引導承祭出大次由大成門右門入升於階就拜位北向立分贊引分獻官傳贊引陪祀官均於甬道左右就位北向序立典儀贊樂舞生就位執事官各司其事與祭官各就位

右就位

典儀贊禮闈戶訖贊迎

三台縣志

卷二十四

二十一

三台新民印刷公司代印

神司樂舉麾贊舉迎

神樂奏昭和之章工鼓祝樂作贊引贊四拜承祭官四拜傳贊贊衆官皆

拜衆官在位者皆四拜司樂偃麾工曼啟樂止

凡樂以舉麾鼓祝作偃麾曼啟止

右迎

神

典儀贊奠帛爵行初獻禮司帛爵奉帛筐揭尊幕勺挹酒實爵以進司

樂贊舉初獻樂奏雝和之章樂作樂工舉節舞千戚之舞

凡舞以節退之導引進退

後贊引贊詣奠帛獻爵導承祭官進殿右門

凡地方官祀孔出入詣奠殿門皆由右不由左

帛獻爵案前贊獻帛司帛進篚承祭官受篚拱舉司帛奠於案正中贊獻爵司爵進爵承祭官受爵拱舉司爵奠於墊中退贊復位導承祭官仍由殿右門出復拜位立左右司帛爵各奉篚實爵進至

四配

十二哲位前立兩廡司帛爵各奉篚實爵詣先賢

先儒位前立分獻官各就案前受帛爵拱舉司帛爵獻於案上退司祝就祝案前立贊引贊詣讀祝位導承祭官進殿詣讀位正立樂暫止典儀贊讀祝司祝捧祝立承祭官左讀祝辭曰惟某年月日承祭某官致祀於

至聖先師孔子曰惟

先師德參化育道貫古今羣集聖之大成炳前知以垂憲天下為公中國一人之量生民未有六經千載之心循宮牆而瞻富美入室升堂隆俎豆而奉馨香先明後法茲當上丁祇率彝章肅展微忱聿將祀典以

三台縣志

卷二十四

二十一

三台新民印刷公司代印

復聖顏子

宗聖曾子

述聖孔子

亞聖孟子配嗚呼聲名所屆血氣莫不尊親光景常新禮樂明其禮祀尚

饗讀畢承祭官拱舉司祝奉祝版安於篚退樂復作贊引贊復位導承祭官復拜位立贊四拜承祭官四拜傳贊贊眾官皆拜眾官皆四拜樂止武功之舞退文舞執羽籥進

右初獻讀祝

典儀贊行亞獻禮司爵執爵以進司樂贊舉亞獻樂奏熙和之章樂作舞羽籥之舞贊引贊詣獻爵位導承祭官進殿詣獻爵案前奠爵於左

四配

十二哲兩廡隨分獻如初復位樂止

右亞獻

典儀贊行終獻禮司爵執爵以進司樂贊舉終獻樂奏淵和之章樂作

舞與亞獻同贊引贊詣獻爵位導承祭官進殿詣獻爵案前奠爵於右

四配

十二哲隨分獻如亞獻儀復位樂止文德之舞退

右終獻

典儀進至殿東西向立贊賜福胙攝事亦得受福胙如儀退贊引贊詣引福受胙

位導承祭官進殿詣引福受胙位正立捧福胙官就東案捧福胙祇立承祭官之右接福胙官祇立於左贊飲福酒右官進福酒承祭官受爵

三台縣志

卷二十四

二十三

三台新民印刷公司代印

拱舉授左官贊受胙右官進胙承祭官受胙拱舉授左官贊引贊復位導承祭官復拜位立贊引贊四拜承祭官四拜傳贊贊衆官皆拜衆官皆四拜典儀贊徹饌司樂贊舉徹饌奏樂昌和之章樂作司爵進徹籩豆各一稍移故處樂止

右受福胙徹饌

典儀贊送

神司樂贊舉送

神樂奏德和之章樂作贊引贊四拜承祭官四拜傳贊衆官皆拜衆官皆

四拜樂止

右送

神

典儀贊奉祝帛送燎司祝奉祝司帛奉篚司爵奉酒饌

豫設饌盤略取
簠簋籩豆之實

置盤內以
備送燎

以次由中道出恭送燎爐承祭官轉立拜位旁西向俟祝帛

過仍復位

四配

十二哲兩廡帛饌均送焚燎分贊引分獻官退傳贊引陪祀官退拜位
東西樂作典儀贊闔戶闔戶訖贊禮成贊引對引導承祭官入大次樂
止更衣歸署衆皆歸

右禮成

崇聖祠同時遣官致祭贊引引承祭官入祠垣右門詣階下盥手分贊引
分獻官隨入典儀贊執事官各司其事贊承祭官就位引承祭官分獻
官各就位北嚮立典儀贊闔戶訖贊迎

三台縣志

卷二十四

二十四

三台新民印刷公司代印

神四拜承祭官分獻官皆四拜贊奠帛爵行初獻禮贊引贊就奠帛爵位

引承祭官入殿右門

凡承祭官進出皆詣
由殿右門下同

肇聖王位前正立司帛捧篚承祭官受篚拱舉奠於案司爵奉爵承祭官
受爵拱舉奠於墊中以次詣左右

正位前奠帛獻爵儀同贊引贊詣讀祝位引承祭官詣讀祝位正立司祝
奉祝立案左讀祝辭曰維某年月日 名遣某官某致祭於

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公曰維

王育聖爲世作師功則著於人間德則垂於後裔凡聲教之所敷同其沾
漑溯淵源之有自奉以馨香茲當上丁謹以庶品之儀致祭以

先賢孔氏

先賢顏氏

先賢曾氏

先賢孔氏

先賢孟孫氏配尙

饗讀畢奉祝版安於篚贊引贊復位引承祭官出殿右門復位典儀贊
四拜承祭官分獻官皆四拜分贊引正殿分獻官入殿左右門詣
配位前引兩廡分獻官分詣兩廡從位前奠帛獻爵復位均如正獻儀
亞獻各獻爵於左終獻各獻爵於右均如初獻儀典儀贊徹饌徹饌畢

三台縣志

卷二十四

一十五

三台新民印刷公司代印

贊送

神四承祭官分獻官皆四拜贊奉祝帛送燎司祝司帛司爵各奉祝帛酒
饌以次送燎如儀祭官避立兩旁竣過復位典儀贊闔戶闔戶訖贊禮
成贊引引承祭官仍由祠垣右門出分獻官隨出各退

右

崇聖祠祭儀

樂舞

〔學政全書〕乾隆五年奏准各省府州縣學樂舞生每學遵例舞用六
佾額設三十六名外加四名以備疾病事故更替之用三台每歲春秋
二丁合於府學共足六十四名分習樂舞歌章每逢丁祭趨踰殿廡如
樂舞生疎不諳音律者卽行黜革另補又〔通志〕舞生歌童俱在本地

方童生中擇選教習歲給優免民國丁祭每先期令高小學生歌樂章猶存古意惟不嫻舞蹈之節耳

禮樂祭器

清光緒三十四年升孔子爲大祀潼川知府吳保齡奉文轉知八縣捐金購置禮樂祭器大祀則用之存教育局保管民國十二年十二月因軍事損失淨盡

關岳廟

關帝追封考並關岳合祀案

按明太祖洪武都金陵城中建十四廟其一漢前將軍壽亭侯廟以四孟朔日歲暮除日應天府官主祭又有仲夏太常之祭祭以少牢嘉靖十年太常卿黃芳奏改稱漢前將軍漢壽亭侯本諡壯繆天啟四年以

三台縣志

卷二十四

二十六

三台新民印刷公司代印

禮部議得旨始稱帝迨前清列代相承以

帝君屢著靈顯勅禮臣議崇典禮追封三代定諡號曰

忠義神武關聖帝君官其後裔襲五經博士一員每歲春秋二戊享用太牢頒發祝文通飭天下有司俱行三跪九叩禮與祭

先師孔子同民國四年改爲

關岳合祀祭禮由政事堂禮判館編訂於三十日呈奉

大總統批准通行在案自應遵照辦理並查原案內載兩序從祭東奉張飛王濬韓擒虎李靖蘇定方郭子儀曹彬韓世忠旭烈兀徐達馮勝戚繼光西奉趙雲謝玄賀若弼尉遲敬德李光弼王彥章狄青劉錡郭侃常遇春藍玉周遇吉共二十四位正位兩氏每案各用籩豆十登一鉶二簋二簋二統用太牢一俎兩序東西各三案每案各用籩豆四鉶

一簋一盞一統用少牢各一俎迎神再拜初獻讀祝亞終獻卽由司爵奠爵不親獻受祊送神均再拜送瘞

地方官祀關岳春秋二祭禮儀

祭日屆時正獻以下皆具祭服集致齋所正獻盥手閱祝版署名訖司祝進奉於祝案俟鼓三發贊引引正獻入武成門左門分贊引分獻傳贊引與祭員隨入典儀贊樂舞生就位執事員各司其事贊獻官就位正獻分獻及與祭員各就拜位北向立贊迎

神司樂贊舉迎

神樂奏建和之章樂作贊引贊贊再拜傳贊衆官皆拜正獻分獻及與祭員皆行再拜禮行跪拜再拜興樂止典禮贊奠帛爵行初獻禮司樂贊舉初獻樂奏安和之章司帛爵捧帛爵各進

三台縣志

卷二十四

二十七

三台新民印刷公司代印

神位前立樂作贊引贊詣奠帛位引正獻入殿左門詣

關壯繆侯帛案前立贊奠帛正獻受帛拱舉仍受司帛奠於正中退贊詣獻爵位引正獻詣

關侯爵案前贊獻爵正獻受爵拱舉仍受司爵奠於爵奠正中退贊詣奠帛位引正獻詣

岳忠武王帛案前奠帛贊詣獻爵位引正獻

岳王爵案前獻爵均如前儀贊復位引正獻仍由殿左門出復拜位立分贊引兩序分獻入殿左右門各就案前立受帛爵拱舉仍授司帛爵獻於案上退司祝就祝案前捧祝版至案西先立樂暫止贊引贊詣讀祝位引正獻進殿左門詣讀祝位正立典儀贊讀祝司祝讀祝畢正獻受祝版拱舉仍授司祝捧祝版至

關侯位安於篋內退樂復作贊引贊復位引正獻出殿左門復拜位立樂止典儀贊行亞獻禮司樂贊舉亞獻樂奏靖和之章樂作司爵捧爵分詣

神位前拱舉各奠於左退樂止典儀贊行終獻禮司樂贊舉終獻樂奏康和之章樂作司爵捧爵仍分詣

神位前拱舉各奠於右退樂止典儀進至殿東西向立贊受祫退贊引贊詣受祫位引正獻進殿左門詣受祫位正立司祫執祫至正位前拱舉退立於正獻之左接祫進立於右贊引贊受祫正受祫拱舉授於右贊復位引正獻出殿左門復拜位立贊再拜禮如前典儀贊徹饌司樂贊舉徹樂奏蹈和之章樂作司爵各進

神位前徹籩豆各一少移故處退樂止典儀贊送

三台縣志

卷二十四

二十八

三台新民印刷公司代印

神司樂贊舉送

神樂奏揚和之章樂作贊引贊再拜傳贊贊衆官皆拜正獻以下仍皆行再拜禮如前樂止典儀贊奉祝帛送瘞司祝帛爵各進

神位前恭捧祝帛酒饌依序送往瘞所時贊引引正獻轉立西旁竣祝帛過畢仍引復拜位立樂作司瘞焚祝帛典儀贊禮成贊引引正獻出武成門左門分獻以下隨出至致齋所樂止正獻以下更衣各退

關聖帝君祝文

維 年 月 日某縣某官率僚屬等致祭於

忠義神武關聖帝君曰惟

帝浩氣凌霄丹心貫日扶正統而彰信義威鎮九州完大節以篤忠貞名高三國神明如在遍祠宇於寰區靈應丕昭薦馨香於歷代屢徵異蹟

顯祐羣生恭值嘉辰謹遵祀典筵陳籩豆几奠牲醪尚饗

關聖帝君後殿

曾祖光昭公

祖裕昌公

父成忠公

祭品

三案各帛一羊一豕一鉶一簋籩各二籩豆各八尊一爵二鑪一鐙二儀注同前殿惟二跪六叩禮畢

祝文 維

公世澤貽庥靈源積慶德能昌後篤生神武之英善則歸親宜享尊崇之報列上公之封爵錫命優隆合三世以肇禮典章明備恭逢諏吉祇事

三台縣志

卷二十四

薦馨尚享

文昌廟

嘉慶六年奉旨列入祀典每年春秋祭祀春以二月初三日誕辰為祭期秋以欽天監選定吉日為祭期凡祭品禮儀均與致祭

關帝廟之例相同

廟後殿祀

帝君先代神位致祭亦照

武廟後殿禮儀光緒末年奉文停祀

文昌帝君祝文

維 年 月 日某縣某官率屬僚等致祭於

文昌帝君之神曰惟

神蹟著西垣樞環北極六匡麗曜協昌運之光華累代垂靈爲人文之主
宰秩正久彰夫感召薦馨宜致其尊崇茲屆仲春用昭時祀尙其馨格
鑒此精虔尙 饗

後殿祝文 維

祭引先河之義禮崇反本之思矧夫世德彌光延賞斯及祥鍾累代燭
列宿之精靈化被千秋緯人文之主宰是尊後殿用答前庥茲當仲春
肅將時祀用申告潔

神其格歆尙 饗

按圖志云神姓張諱亞子其先越嶲人因報母讎徙居梓潼之七曲山
自秦伐蜀後屢著靈異宋元歷封輔元開化司祿宏仁帝君是帝君固
一代之孝子也又按化書云秦惠王遺蜀王美女遣五丁迎之帝君諫

三台縣志

卷二十四

三十

三台新民印刷公司代印

不聽怒逐之山摧丁與女俱壓焉是帝君又一代之忠臣也第圖志化
書皆往往神奇其說似近於誕而詩所載張仲孝友謂卽二十二世之
化身又似確而有據者其信然歟姑弗深總論之靈迹所著訓詞所垂
無非欲使人盡孝全忠爲善去惡而後已斯眞聖賢覺世之苦心且士
先德行而後文章奉帝君而名占斗魁者卒多則其維持文教之功不
更偉哉又稽天官書斗魁戴匡六星曰文昌宮一曰上將二曰次將三
曰貴相四曰司命五曰司中六曰司祿天之六府也或帝君卽司祿之
星耶附錄之以備考（文刊文昌宮殿左壁）見舊縣志

忠義孝弟節孝名宦鄉賢五祠春秋仲月丁祭附祀
祭品

各祠帛一羊一豕一籩四豆四尊各一爵三

儀注

主祭者禮服詣祠致祭讀祝望燎行禮如儀

忠義孝弟祝文

維靈秉賦貞純躬行篤實忠誠奮發貫金石而不渝義聞宣昭表鄉閭而共式祇事懋彝倫之大性摯莪蒿克恭念天顯之親情殷棣萼模楷咸推夫懿德綸恩特闡其幽光祠宇維隆歲時式祀用陳尊簋來格几

筵尚饗

節孝祝文

維靈純心皎潔令德柔嘉矢志完貞全閨中之亮節竭誠致敬彰閭內之芳型茹冰蘖而彌堅清操自勵奉盤匱而匪懈篤孝傳徽絲綸特沛乎殊恩祠宇昭垂於令典祇循歲祀式薦尊醪尚饗

三台縣志

卷二十四

三十一

三台新民印刷公司代印

名宦祝文

卓哉羣公懋修厥職澤被生民功垂社稷茲維仲春秋謹以牲醴用申常

祭尚饗

鄉賢祝文

於維羣公孕秀茲邦懿德卓行奕世流芳茲維仲春秋謹以牲醴用申常

祭尚饗

社稷壇 社所以祭五土之祇稷所以祭五穀之神穀非土不生土非穀無以見生之效故祭社必及稷也周禮大司徒設其社稷之壇而樹之田土各以其野之所宜木遂以名其社與野大宗伯以血祭祭社稷凡祭社壇用大罍祭之日涖下來歲之稼又左傳共工氏有子曰勾龍為后土后土為社烈山氏有子曰柱為稷自夏以上祀之周棄亦為稷自

商以來祀之此立祀之由來也每歲春秋二祭設二神牌於壇左社右
稷祭畢藏之

祝文

維 年歲次 月朔日某縣知事率僚屬等致祭於

社稷之神曰惟

神奠安九土粒食萬邦分五色以表封圻育三農而播稼穡恭承守土

肅展明禋時屆仲

春秋

敬修祀典庶凡凡松柏鞏磐石於無疆芄芄黍苗

佑神倉於不匱尙饗

山川風雲雷雨壇

禮諸侯祭封內山川今之守令視古諸侯於法得祀

按唐元宗祀兩師雷師同壇宋時山川社稷合祀元以風雲雷雨附於
社稷明洪武初定制立山川壇於城之西北風雲雷雨壇於城之西南

三台縣志

卷二十四

三十一 三台新民印刷公司代印

用驚蟄秋分日告祀六年乃合山川風雲雷雨於一壇祭之豈以山林
川谷邱陵能出雲爲風雨故無庸別立方位耶然而相資爲用生物不
窮其功一也十四年又頒洪武禮制以本縣城隍之神合祭設神主三
中曰風雲雷雨左曰境內山川右曰城隍蓋卽城隍之義例之亦與山
川等故至今仍其舊焉每歲春秋二祭設牌於壇祭畢藏之

祝文

維 年歲次 月朔日某縣知事率僚屬等致祭於

山川風雲雷雨之神曰惟

神贊襄天澤臨佑蒼黎佐靈化以流行生成永賴乘氣機而鼓盪溫肅
攸宜磅礴高深長保安貞之吉憑依鞏固實資捍禦之功幸民俗之盈
寧仰

神明之庇護恭修歲祀正值良辰敬潔豆籩祇陳牲幣尙饗

先農壇 清雍正四年詔各直省各府州縣衛行耕藉禮雍正五年奉特旨頒行藉田壇位之規制按禮記祭統云天子親耕於南郊諸侯耕於東郊今各省宜擇東郊官地之潔淨豐腴者立爲藉田如無官地照九卿原議動支正項錢糧置民田以四畝九分爲藉田外卽於藉田後建立

先農壇又按春秋文義云天子之社廣五丈諸侯半之今京師

先農壇高四尺二寸寬五丈其各省壇制應高三尺一寸寬二丈五尺京師

先農神牌高二尺四寸寬六寸座高五寸寬九寸五分紅牌金字填寫每年遵部頒日期致祭祭畢行耕藉禮

三台縣志

卷二十四

三十三

三台新民印刷公司代印

祭品

羊一豕一鋤一籩四豆四簋二簋二帛一

青色

儀注

前二日齋戒前一日省牲掃壇設幕檢視耕器

農具赤色牛黑色籽種箱青色 至期各官禮服行禮

前後三跪九叩不飲福受胙俱與社稷壇同惟獻帛爵不升壇與武廟儀同祭畢遵依部行時辰更換禮服行耕藉禮各官率農夫行三跪九叩禮迎

神樂奏永豐之章

勾芒秉令土牛是驅天下一人蒼龍駕車念彼田疇民命所需生民有德尙式臨諸

奠帛初獻樂奏時豐之章

先農神哉耒耜教民田祖靈哉稼穡是親功德深厚天地同仁肅將幣帛肇舉明禋厥初生民萬彙莫辨神錫之庥嘉種乃誕執茲醴齊農功益見玉瓚椒醕肅雍舉奠

亞獻樂奏咸和之章

上原下隰百穀盈止粒我生民秀良興起樂舞具備吹豳稱兕再躋以獻肴馨酒旨

終獻樂奏大豐之章

糜芑秬秠維神所貽以神饗神曰予將之秉耒三推東作允宜五風十雨率土無私徹饌樂奏屢豐之章

三台縣志

卷二十四

三十四

三台新民印刷公司代印

於皇農事自古爲烈莫敢不承今茲忻悅籩豆既豐簠簋云潔神視井疆執事告徹

送神樂奏報豐之章

麻麥芄芃秠稻連阡縱橫萬里皆神所瞻人歌鼓腹史載有年歲有常典弗祿綿延

望瘞樂奏慶豐之章

玉版蒼幣來監來歆敬之重之藏於厚深典禮由古予行至今樂之利之國以永寧

祝文 維

神肇興稼穡粒我蒸民頌思文之德克配彼天念率育之功常陳時夏茲當東作咸服先疇洪維

九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恆沐於神庥庶幾九穗雙歧上瑞頻書於大有尙饗厲壇 歲以三月清明七月十五十月一日凡三祭祭時迎城隍神像於壇上以主其祭另用紙多書無祀鬼神等衆牌位立於壇下左右

陳設

壇上城隍位及左右位各羊一豕一其左右位并設飯羹香燭紙隨用儀注

先一日祭官備香燭詣城隍祠焚告牒行一跪三叩禮至期各官齊集於壇上城隍位前行禮前後行一跪三叩禮中間三獻爵讀告文禮畢執事以告文同紙焚之告文

三台縣志

卷二十四

三十五

三台新民印刷公司代印

遵依清禮頒發劄爲祭祀本境無祀鬼神等衆事欽奉皇帝聖旨普天之下后土之上無不有人無不有鬼蓋以人鬼之道幽明雖殊其理則一故天下之廣兆民之衆必立君以主之君總其大又設官分職爲府州縣以各長之又於每百戶設一里長以統領之上下之職綱紀不紊此治人之法如此天子祭天地神祇及天下山川王國各府州縣祭境內山川及祀典神祇庶民祭其祖先及里社土穀之神上下之禮有等第此治神之道如此尙念冥冥之中無祀鬼神昔爲生民未知何故而歿其間有遭兵刃而損傷者有死於水火盜賊者有被人取財而逼死者有被人強奪妻妾而死者有遭刑禍而負屈死者有天災流行而疫死者有爲猛獸毒蟲所害死者有爲凍餓而死者有爲戰鬪而殞身者有因危急而自縊者有因墻屋傾頽而壓死者有遠行征旅死未歸籍

者有死後無子孫者此等鬼魂或終於前代或沒於近世或兵戈擾攘流移他鄉或人煙斷絕久缺其祭姓氏泯沒於一時祀典無聞而不載此等孤魂死無所依精魄未散結爲陰靈或依草附木作爲妖怪悲號於星月之下呻吟於風雨之時凡遇人間令節心思陽世魂杳杳以無歸身墮沉淪意懸懸而望祭興言及此憐其慘悽故勅天下有司依時享祭在京都有秦厲之祭在王國有國厲之祭在府州有郡厲之祭在各縣有邑厲之祭在一里又各有鄉厲之祭期於神依人而血食人敬神而知禮仍命本處城隍以主此祭欽奉如此今某等不敢有違設壇於城北以某月某日設備牲醴羹飯專祭闔境內無祀鬼神等衆靈其不昧來享此祭尙饗

民國元年奉軍政府四川都督胡景伊令於陽曆八月廿七號陰曆七

三台縣志

卷二十四

三十六

三台新民印刷公司代印

月十五日省內外各縣一律舉行鐵路義士紀念會並追悼死難諸賢列祀典於厲壇

攷清厲壇例由知縣牒請城隍主祭民國二年三月奉四川省行政公署禁令禁止偶像主祭由地方知事主祭

雩祭

清乾隆七年頒行每歲孟夏行常雩禮不另立雩壇卽於

先農壇行禮並配社稷山川諸神牌位

祝文

恭膺簡命撫育羣黎仰體保赤之誠勤農勸稼俯惟資生之本力穡服田令甲爰頒聿舉祈年之典惟寅將事用申守土之忱黍稷惟馨尙冀昭明之受賜來年率育庶俾豐裕於蓋藏尙饗

崇祭

清乾隆七年定旱歲祭雩祈雨潦則祭祭城門祈晴其行禮俱同雩祭祝文

恭膺簡命職司守土惟兆人之攸賴並藉神功冀四序之常調羣蒙福蔭必使雨暘應候爰占物阜而民安庶幾寒燠咸宜共慶時和而歲稔仰靈樞之默運聿厥嘉祥襄元化以流行俾無災害尙饗

龍神廟 清雍正元年諭各省立廟祀八方龍神每歲以六月十三日守土官以素饘香燭率僚屬行禮

祭品

帛一羊一豕一果實五盤尊一爵三

儀注

三台縣志

卷二十四

三十七

三台新民印刷公司代印

主祭官禮服行二跪六叩禮迎神上香奠帛讀祝三獻爵送神望燎告禮成退

祝文 維

神德洋洋寰海澤潤蒼生允襄水土之平經流順軌廣濟泉源之用膏雨及時績奏安瀾占大川之利涉功資育物欣庶類之蕃昌仰藉神庥宜隆報享謹遵祀典式協良辰敬布几筵肅陳牲幣尙饗

城隍廟 舊依洪武二十六年著令城隍之神歲以春秋二仲附祭於神祇壇風雲雷雨山川居左城隍居右每厲祭則主之宣德八年定制禮猶隆重每歲同祀於山川者二獨祀於厲壇者三新官蒞任必以豕羊各一祀之民十八年撤縣城隍像改廟爲初中學校惟舊府城隍廟尙存

蠶神祠 雍正十三年部議依先農壇典制建立先蠶壇後改立先蠶祠
列於中祀每歲季春巳日以少牢致祭本縣舊以祠附縣城隍廟內今
並見廢

按〔文獻通考〕蠶神曰苑麻爲古始蠶之人唐〔月令注〕以先蠶爲天
駟星故有馬頭娘之訛

呂真君祠 嘉慶十一年加封燮元贊運警化孚佑帝君列入祀典建祠
崇祀歲春秋仲月四日致祭

祭品

核桃荔枝圓眼棗栗五盤 饅首五盤 蒸糕五盤 餅四盤 高頂一盤 茶棗三鑪一鐙二

儀注

禮服行三跪九叩禮

三台縣志

卷二十四

三十八

三台新民印刷公司代印

祝文

勅封燮元贊運警化孚佑帝君曰維

神法判五雷道通三教金闕選仙掃魑魅魍魎之怪玉清內相溥風雲雨
露之仁術傳無極子啟河洛之苞符易註壽山堂演乾坤之著策屢徵
聖蹟應答神恩茲屆仲春用昭時祀庶幾歌享益鞏固夫皇圖爰矢精
虔冀降康於億兆神其來格鑒此飴馨尙饗

火神廟 康熙二年定歲六月二十三日致祭司火之神廟在今城內西

較場

祭品

帛一羊一豕一果實五盤尊一爵一

儀注

主祭官禮服行二跪六叩禮迎神上香奠帛讀祝三獻爵送神望燎告禮成退

祝文 雜

神德著離宮光昭午位廣陽亨之運象啟文明彰變理之能功參化育土以生而水以濟丙丁之大用常昭府既修而事既和虞夏之九功惟敘麗茲萬物實賴化成又我生民咸資利用仰邀神貺虔答鴻庥爰遵祀事之儀式叶春禮秋嘗之典肅陳牲幣敬布几筵尚饗

昭忠祠 〔大清會典〕凡祭昭忠祠之禮所在有司歲以春秋致祭用帛一羊一豕一爵三尊一承祭官行禮儀與祭省會賢良祠同

雷神廟 雍正七年詔以雷師爲資生發育顯仁應瑞之神每歲立夏後甲日致祭廟在今縣城東靈護祠右

三台縣志

卷二十四

三十九

三台新民印刷公司代印

馬王廟 周官校人春祭馬祖天駟星也祭以四仲之月歷代因之後定春秋二仲甲戌庚日致祭廟在城內正北街

藥王廟 順治元年定每年春冬祀先醫廟在今城內關岳廟側知事沈昭興建有記

按先醫祀伏羲神農皇帝以勾芒風后祝融力牧爲四配東廡儻貸季歧伯伯高少師太乙雷公伊尹淳于意王叔和皇甫謐抱朴子葛洪藥王韋慈藏錢乙劉完素李泉西廡鬼臾區俞跗少俞桐君馬師皇神應王扁鵲真人孫思邈啟元子王冰朱肱張元素朱彥脩今廟祀者多合韋慈孫思邈爲一人建藥王廟誤矣

靈護祠 專祀唐東川節度使太保顧公彥朗司空顧彥暉明程節愨公清朱勇烈公附祀祠內

張右丞祠 專祀宋知梓州太守張雍建祠老西門內歲時致祭

按〔舊志〕乾道己酉鄴令眉山孫汝聰刻石牛頭山備紀公禦賊全梓之功

此碑民國十六年於牛頭山亂石中拾出數片現存嘉定乙亥州人請奏於朝始建廟城中

賜名忠顯後三年歲在戊寅遂寧馮華祖來尉斯邑爰闢官寺之西偏繪像立祠重刻牛頭之碑置於祠側仍以忠顯題其額歲久祀廢誤忠顯爲五顯民國十八年因潼保路提賣廟產並有議賣公祠者保存文獻者方據理力爭云

東嶽廟
眞武宮

順治八年定每年萬壽節遣官致祭北極佑聖眞君與東嶽泰山之神本邑眞武宮在城北門外東嶽廟在西門外

典禮

紀念日 清制凡元旦冬至萬壽節各省地方文武大小各官俱朝服齊

三台縣志

卷二十四

四十

三台新民印刷公司代印

集萬壽亭望闕行禮民國成立於每歲一月一日爲中華民國開國紀念五月五日爲總理就任非常總統紀念七月九日爲國民革命軍誓師紀念十月十日爲國慶紀念十一月十二日總理誕生紀念縣知事先期籌備慶賀儀式指定地點至日懸黨國旗設總理遺像率各機關法團各學校員生市民等序立就位奏軍樂或風琴唱革命歌或國歌黨歌等向總理遺像脫帽行三鞠躬禮復帽讀總理遺囑畢靜默三分鐘主席隨即報告理由或演說來賓亦可演說畢即奏樂退位各機關學校一律放假一日此外三月十二日爲總理逝世紀念三月廿九日爲黃花岡七十二烈士殉國紀念是日下午旗正午靜默五分鐘亦休假一日並停止宴會娛樂以追誌哀思

植樹節 民國初年定於清明日其行禮儀式與慶賀禮同禮畢長官及

各界在規定區段植樹並攝影以備呈報後因各地方氣候不同植樹不必定在是日遂併於總理逝世紀念日舉行其儀式

迎春禮 [大清會典]有司迎春皆前期一日朝服於東郊迎昇土牛芒神安設公署儀門之外次日照依立春時刻祀芒神陳設香燭酒菓行一跪三叩禮興昇土牛芒神行香亭鼓樂前導各官朝服後隨至東郊綵仗環立擊鼓鞭春各官環擊土牛三禮畢各退民十七年謝知事任內廢去迎春儀仗率各法團行禮尙如舊式

講約禮 [大清會典]每月朔望地方文武各官齊集講約所設聖諭牌行禮畢分班坐地聽講聖諭十六條雍正七年乾隆元年均奉部文議准直省各州縣於各鄉里紳民中擇其素行醇謹通曉文義者舉爲約正宣講聖諭刻有章程存縣城隍廟清末禮廢光緒間邑東井木鄉人

三台縣志

卷二十四

四十一

三台新民印刷公司代印

自立講約會朔望集紳耆會講先正條約定有簡章久亦廢弛民十六年革命二十九軍政治特別班學生畢業遂易宣講爲宣傳矣

鄉飲禮 凡京府及直省府州縣歲正月十五月一日於儒學行鄉飲酒禮前一日執事者於儒學之講堂依圖陳設坐次司正率執事習禮至日黎明執事者宰牲具饌主席及僚屬司正先詣學遣人速賓僕以下比至執事者先報曰賓至主席率僚屬者唱獻賓主起席北面立執事斟酒以授主主受爵詣賓前至於席稍退贊兩拜賓答拜訖執事各斟酒以授主主受爵詣僕前置於席交拜如前儀畢主退復位執事者唱賓酬酒賓退僕從之執事者斟酒授賓賓受爵詣主前置於席稍退贊兩拜賓僕主交拜訖各就位坐執事者分左右立介三賓賓衆賓以下以次斟酒於席訖執事者唱飲酒供湯又唱斟酒飲酒供湯供饌畢

執事者唱徹饌候徹饌案訖唱賓僕以下皆行禮僕主僚屬居東賓介三賓衆賓居西贊兩拜訖唱送賓以次下堂分東西行仍三揖出庠門而退主以知縣爲之大賓以致仕官爲之次賓以鄉里年高有德者爲之介以次長三賓以賓之次者爲之司正以教職爲之其僚屬則序爵執事以老成生員爲之

勸農禮 舊制每歲孟夏農事方殷縣令備酒菓金花紅布麵具用鼓吹前導勸農於四郊勤者食以酒菓獎以花紅惰者誨而勉之縣令往丞尉以下皆分行梓州自宋以來惟郡守魏文靖行之民國成立雖上有實業局下有農會皆無暇及此惟每逢省垣勸業賽會陳列地方農人出品優美者給獎以爲研究實業者勸

優老之禮 前清於百歲老民賜銀三十兩建坊里門題以昇平人瑞四

三台縣志

卷二十四

四十二 三台新民印刷公司代印

字老婦旌以貞壽之門百二十歲者請旨加賞不拘成例民十六年邑西壽民文顯璧羅明珍年皆百歲軍長田公各旌匾額復於雙十節後道過蘆溪造廬就見以示優禮

救護禮 舊曆凡日月蝕飭知事設香案縣堂月臺上具金鼓於二門屆期陰陽官報日月初虧官率僚屬服常服上香行三跪九叩禮起立擊鼓者三堂下金鼓羣作官民一體救護蓋周禮救月救日之弓左傳伐鼓用牲于社皆是禮也迄今科學昌明政府已破除其迷信而民間尙循舊習每值此日仍擊缶鳴金焚香瞻拜至復圓乃已

冠禮 古者年二十乃服緇布之冠而敬以字之今民之服無長幼之殊則冠禮廢幼名而長字時見於士大夫之家其他或幼已字焉長或猶名焉則以勢力爲尊襲而已民國學校冠服有定制初高小學生入學

卽年未弱冠勝冠者必冠由父兄師長字之重其學也

婚禮 先以媒妁繼以納聘納聘之禮備具果儀香燭布帛雞酒與夫金

銀釵釧而致庚書焉

清宣統元年縣奉通飭凡民間訂婚必於縣學署取具庚帖登記名冊以後不容翻悔清亡其制遂廢

男女成立擇吉完婚先卜日而告之曰報期至日以尊長屬之婦迓之不親迎嫁必有贈曰奩稱家有無亦以尊長屬之婦送之始至拜祖於寢庭謁舅姑及衆親三日而寧婚之常也其或女氏貧不俟笄而歸於舅姑以待年曰小引則權也

民國行文明結婚之禮其秩序先由司儀員就位宣佈禮節奏樂請證婚人介紹人兩族主婚人入席請男女來賓入席新郎新娘向國旗行三鞠躬禮再行結婚禮新郎新娘相向三鞠躬請證婚人爲新郎新娘交換飾品新郎新娘署印請證婚人署印請介紹人署印請兩族主婚

三台縣志

卷二十四

四十三

三台新民印刷公司代印

人署印請證婚人宣讀訓詞樂止請來賓代表致頌詞新郎新娘代表答詞新郎新娘謝證婚人介紹人三鞠躬請證婚人介紹人退樂作行見尊長禮三鞠躬行見平等禮一鞠躬行少輩相見禮一鞠躬來賓致賀一鞠躬新郎新娘答謝來賓一鞠躬司儀員退禮成樂止此等文明結婚城廂偶有行者鄉曲尙未通行

喪禮 事親之終喪葬爲大雖貧富不等各稱家之有無大率以分給白布之多爲上謂之散孝帛其不論親疏人各一帛謂之散普孝縉紳之家必請官長或紳耆書銘以表彰題木主以棲神其貧不能葬者則有戚好友鄰各助薪米錢帛以襄不逮名曰孝義會又有苦無葬地給地以爲安厝名曰討地俗喪以不致客爲恥甚至鼓樂喧雜之聲徹夜不絕雖屬非禮而積習相沿殆不可禁

縣舊志

喪服五等之制民國仍一體遵用惟追薦道場等事信者漸少 宋儒亦謂佛事
仍悔爲人子厚誣其親 富貴之家赴於宗族僚友擇日而奠徵集誄輓詩文爲榮
哀錄執紼送葬者各佩紙剪素花以代孝帛獨於展奠之夕尙不改作
樂舊習